

Vunn Wölf unn onnern Leit

Wonn mir drei sesommesitze, de Karl, de Schorsch unn isch, kann merr immer seh, wies dem onnern grad gieht. Mächder e Gesicht, donn kennts soi, dass der Zohwieh hott odder enn oigewachsene Fußnaachel odder irschend su ebbes. Doo isses omm bessde, merr frächt nitt unn dut wadde, bis derjenische ebbes saache dut. Su isses aach widder die vorsch Woch gewese, wie merr im Bootshaus uff de Terrass gesotze hawwe.

Uff oomol seet de Karl: Habbderr eich schunn emol Gedonke gemacht, was ooner vunn eich mächt, wanner vumm Fahrrad falle dut?

Ei widder uffsteihe, hott de Schorsch gesaad. Was issen los, bissde gefalle?

Unn ich druff: Hosde derr wieh gedue, Karl? Awwer was ich mache deet wär mich beweese um festzestelle, ob nix kabutt gonge iss bei su emm Storrz.

No ja, seet de Karl, dess habb isch aach gemacht unn alles war gut. Awwer wie isch donn dehoom war doo denk isch, no, hosdes uff oomol im Kreiz? Unn wie isch dess de Fraa gesaad habb hott die gleich de Dokder oogerufe weese emm Termin, der sollt halt emol nooch merr gugge unn mich villeischd zu su emm Knocheffligger iwwerweese. Bei moin Dokder konnt isch noch omm sellwe Daach kumme, awwer wie merr donn bei su emm Orthopäde oogerufe hawwe seet dem soi Mädche omm Telefon, isch kennt omm Moondaach de dreizehnde Juli kumme, vorher wär nix frei. Mir hawwe donn noch bei zwaa onnern oogerufe, awwer dene ihr Termine warn noch später.

Unn, Karl, frächt de Schorsch, was hosden gemacht?

Frächt de Karl: Was hädden ihr gemacht.

De Schorsch seet: Isch hädd Schmerztablette genumme und gedenkt, bis Oofong Juli sinn die Schmerze suwiesu ewegg, donn brauch isch aach nimmi zu dem Knocheffligger. Dess, seet de Karl, habb isch aach gemacht, Schmerztablette genumme, unn jetz due isch abwadde, obs besser werdd odder nitt. Awwer ess dut halt immer noch wieh. No ja, moi Fraa hott joo noch von ihrne letzde Operation enn Rollador, den deet isch donn numme, wenn die Schmerze nitt uffheern.

No ja, seet de Schorsch, su meddem Rollador laafe, isch waaß nitt, dess deet merr noch e bissi komisch vorkumme.

Isch saach: Die Griene in Flerschem duen sisch Gedonke mache, wie mieh Leit dezu gebrochd werrn kenne, meddem Fahrrad ze fahrn, die wolle sogar die Jahnstrooß zu emm Fahrradparadies mache. Die sollde sich liewer Gedonke mache, wie dene Leit meddem Rollador geholfe werrn kann. Doodeferr solle se medde Eiseboh redde, dass die omm ehemalige Bohniwwergong in de Wickerer Strooß ferr Fußgänger unn Radfahrer e Unnerfiehrung mache, gradaus unn nitt su steil vorne unn hinne. Weil den lange Weesch dorsch die Strooße-Unnerfiehrung iss Leit mett Rollador nitt zuzemute.

De Schorsch seet: Mett de Bohn kann merr doch redde wie merr geseh hott in Edderschem, doo wolde die doch die Unnerfiehrung zuschidde unn jetzt konnse bleiwe.

Waaßde, seet de Karl, die Griene sinn joo alles junge Leit, jedenfalls su vunn unserm Alder aus geguggd. Awwer die werrn joo aach emol elder unn donn sinn se fruh, wenn se dess medde Unnerfiehrung dorschgesetzd hawwe.

No ja, saach isch, merr baut joo Unnerfiehrunge ferr Krodde. Mir missde halt entdecke, dass die Wickerer Strooß enn uralde Wolfsweesch iss, wo die Wölf, die joo bei uns immer mieh werrn, schunn im Middelalder vumm Odewald her iwwern Moo kumme sinn,

Honne379

um in de Taunus ze streune. Weil wenn merr dess bewaise kennde, deet die Unnerfieh-
rung sofort gebaut wern. Eiern Honnes